

Long olgeta: Jaj, Masta, Magistret, Aelan Kot, Official blong kot mo Kot staff,
Loya (public mo private) mo evriwan we oli usum sevis blong Kot

Wan Protokol long taem blong wan Tropikol Saeklon we istap kam

Igat tri level blong warning blong Tropikol Saeklon, mo oli save tu olsem alet kala, we oli pablisim plante taem long Vanuatu long taem we wan tropikol saeklon istap kam. Mi nao setemaot blong olgeta loya mo staff blong kot wanem nao olgeta warning ia oli minim long saed blong operesen blong Magistret Kot, Aelan Kot mo Supreme Kot mo Registry.

Level Wan: Blu Alert

Oli broadcastem se wan saeklon bae hemi affectem Vanuatu long 24 haoa – YUFALA I PREPARE from strong fos blong win bae hemi start long 24 haoa

Taem we wan Blu Alert hemi stap, olgeta kot mo supreme kot registry bae oli continue blong work olsem oltaem long nomal day blong wok.

Level Tu: Yelo Alert

Oli broadcastem se wan saeklon bae hemi kam long 12 haoa – YUFALA I READY, TEKEM ACTION NAO from strong fos win bae oli start long 12 haoa

Taem we wan yelo alert istart, olgeta kot mo Supreme Kot registry bae oli close mo bae oli stap close after 2 haoa we level blong alert hemi reduce I go daon. Afta hemia, bae operation blong olgeta kot bae oli continue normal bakeken.

Level Tri: Red Alert

Wan saeklon hemi imminent – YUFALA I MAS STAP LONG SHELTA OR PLACE WE I SAVE

Taem we igat red alert, olgeta Kot mo Supreme Kot Registry bae oli stap close. Bae alert level ia bae hemi save reduce igo long Level Tu, mo sipos hemi olsem, bae ol kot mo supreme kot Registry oli stap close yet kasem 3 haoa afta we level hemi reduce igo long Level Wan o taem we inomo gat alert level istap. Long situesen we reduction blong Level o remuvol blong ol level blong alert oli happen afta 2:00 PM, then, bae nomal operations blong olgeta Kot mo Supreme Kot Registry bae oli start nomo long next day.

Long exceptional circumstances we saeklon ikosem destruction, mi reservem option blong extendem taem blong olgeta kot mo Supreme kot Registry oli remain close blong allawem blong klinap mo mekem repair long damage we saeklon ikosem. Long situesen ia, bae annaonsmen blong event ia bae oli disseminatem long evriwan.

Mi introdusum Protokol ia blong mekem se inogat confusion long olgeta loya mo olgeta we oli usum services blong olgeta kot blong mekem se wanem we wan wan Level blong alet long saed

blong operation blong olgeta Kot mo Supreme Kot Registry oli minim. Sapos igat any question abaot Protokol ia mo sapos igat any query we hemi arise long taem blong wan tropikol saeklon, yufala imas please contactem Chief Registrar long Supreme Court long:

(00678 26715).

(00678 7744060).



Chief Justice, Vincent Lunabek

27 May 2022